

欽定剿平粵匪方略

欽定勦平粵匪方略卷二百九十八 壬戌年

三月二十七日 己酉 曾國藩奏言道員李鴻章所

部湘勇募練成軍本擬取道巢含和州一帶前
赴鎮江旋據江蘇紳士潘馥錢鼎銘等自滬來
皖稟稱上海一路雖得英法各國撥兵協防而
賊氛四逼商旅不通岌岌可危已由滬局籌款
十八萬兩雇備輪船陸續入江來迎我軍以期

力保要地臣查鎮江爲進兵形勝之區上海爲
籌餉膏腴之地兩者並重前因洋船不肯雇載
李鴻章一軍不得已擬由陸路赴鎮茲據該紳
士等與洋人商雇輪船來皖自宜先赴上海以
順輿情已派數營於三月初七日登舟起行李
鴻章於初八日開行仍俟後至之船循環裝載
分爲三起銜尾下駛不滿一月可以全隊到防

俟抵上海後布置既定李鴻章親至鎮江察看情形應如何分兵防守之處屆時奏明辦理

曾國藩又奏言遵查御史朱潮所奏四川廣東協餉派大員督催饋運等語其事雖難盡行其議實有可採四川內患未平自難協濟外省惟廣東最號殷富其財力爲東南之冠其地勢亦宜供江浙之餉釐金一宗如佛山韶關肇慶等

處著名繁富咸豐十一年閒巡撫耆齡於韶關
設一新卡未及一年收稅五十餘萬藩司周起
濱議於肇慶府河設卡每年亦得四十餘萬此
外巨鎮大卡不一而足若使經畫得宜即可養
數萬之兵勦江浙之賊合無額懇

天恩特派二三品京卿一人馳赴廣東駐紮韶關
理通省釐金專濟蘇浙安徽三省餉項如蒙

俞允臣當奏派賢員熟諳釐務者隨同使臣前赴粵
東設卡抽辦韶關距江西甚近臣當與該使臣
往返函商務使籌兵籌餉一氣呵成或繼或贏
隨時斟酌廣東官紳有設立私卡者使臣會同
臣處奏叅州縣有暗中阻撓者亦卽奏咨叅撤
凡釐務所得之餉先解浙江軍營左宗棠新任
浙撫無尺寸之完土無涓滴之餉源蔣益澧等

到後尤覺無米爲炊若以廣東釐金濟之則前
此奏准之協浙月餉十萬兩卽在此中抵除其
次則解安徽軍營臣處如鮑超一軍欠餉八箇
半月曾國荃一軍欠餉近九箇月徽州各軍欠
餉七箇月有奇亟思早得粵餉一清積欠李續
宜擬添新營亦當另籌協濟袁甲三久處窮困
亦應量爲津貼方足以馭強將而撫飢軍又其

次則解江蘇軍營聞上海出款太多虧累甚鉅
鎮江揚州兩臺亟須另籌協餉其廣東應解紅
單艇船之費亦可於此中抵除由臣咨商韶關
使臣察各軍之緩急定撥解之多寡其運解之
法或由贛州送至江西轉解或由輪船搭至上
海轉解均聽韶關使臣酌覈辦理

曾國藩又奏言河南歸德鎮總兵蕭孚泗前經

奉

旨飭赴新任總兵陳由立亦經嚴樹森等奏奉

諭旨飭赴河南軍營惟查蕭孚泗現帶所部隨同曾

國荃籌攻巢縣含山等處陳由立現帶所部隨

同鮑超圍剿青陽踞匪均屬萬難鬆勁之時若

一經抽調則遷地弗良實未便飭赴河南轉致

顧彼失此應將蕭孚泗陳由立仍留曾國荃鮑

超原營

同日薛煥奏言兼署藩司道員吳煦等檄調華爾自松江來滬與英國提督何伯法國提督卜羅德會商定計卽回松江囑參將李恆嵩帶隊先赴泗涇布置華爾於三月初五日帶常勝軍一千二百名繼進是日何伯帶英國兵一千一百餘名卜羅德帶法國兵五百餘名並約同新

到之俄國兵數十名由上海馳至七寶臣先期
傳諭各營將弁整備隊伍協同進攻初六日華
爾與諸軍會合直攻王家寺賊營該逆齊出拒
敵中外隊伍三面環列洋槍炸彈接連施放賊
營六座同時火起賊勢大亂常勝軍與英法兩
國兵當先衝入於煙燄中大呼奮擊撿斬甚多
都司王步雲等亦各督隊踰濠登牆刀矛競舉

賊勢不支向北奔潰中外各軍乘勝跟追沿途
擊殺及落水淹斃者不可數計追至諸翟等處
復經伏兵截殺賊屍枕藉踏毀大小賊卡十餘
處餘匪向南翔一帶竄去華爾復帶小隊欲赴
泗涇與李恆嵩乘勢攻擊何伯帶隊偕往甫近
龍珠菴賊營賊卽施放槍礮阻截去路華爾督
勇迎擊無不一以當百何伯揮軍相助賊營槍

子如雨猝被飛中右毇兵勇亦多受傷收隊暫
息初七日進攻龍珠菴該逆憑牆堅拒我軍連
放炸彈華爾率領中外士卒冒煙撲進立將賊
營九座攻毀餘賊俱向西南奔逸李恆嵩等正
由打鐵橋一路轉戰而來會合兜剿斬擒甚多
兩日之戰均獲全勝泗涇七寶之路旣通松江
上海之嚴驟解英法二國之師回滬華爾亦帶

常勝軍回松 臣查該逆在王家寺龍珠菴連營
數十里深溝高壘與青嘉聯爲一片意在步步
爲營直薄上海此次諸軍用命一鼓掃除實賴
英法二國之助何伯身先士卒致受槍傷尤爲
勇冠全軍華爾每戰必先所向披靡其部下領
隊之法爾師等四人均受重傷裹創力戰亦屬
出力異常 臣已親詣何伯卜羅德處譽其助順

之勞並囑吳煦等獎勵華爾及常勝軍各領隊以彰其功至各營將弁兵勇自上年十二月至今無日不戰各獲勝仗數十次臣皆隨時存記俟有克復城池勞績彙請

恩獎惟青浦嘉定屯賊尙多黃浦東南之賊擄搶民船時思偷渡前經英法兩國輪船在浦巡防曾擊沈賊船多隻臣又添派礮船前赴閔行周浦

等處堵隘要口李恆嵩亦派隊駐紮閑行鎮以
期水陸相輔藉壯聲勢而備不虞督臣曾國藩
所派道員李鴻章現已帶勇到滬臣卽飭各營
將士聽候調遣自當一新壁壘迅掃逆氛

薛煥又奏言據副將熊兆周稟稱王家寺逆匪
敗遁後督率勇丁搜捕餘匪在賊目逢天義劉
逆營內檢得賊黨黃晚逆稟一扣臣披閱之餘

不禁髮指李逆之窺伺上海已屬兇狡異常而
逆黨黃畹爲賊設謀欲派撥黨與赴洋涇濱潛
任勾結游民作爲內應等情於大局甚有關繫

臣恐黃畹潛匿上海壽張爲幻已密飭幹員購
綫訪拏並抄錄逆稟飛咨督臣曾國藩豫爲防
範又飭蘇松太道吳煦告知英法兩國領事設
法破其奸謀俾該逆無所施其伎倆庶免意外

之虞

同日沈葆楨奏言據探江山境內黃埠等處賊
匪四出焚掠龍游龍泉各路踞匪亦上竄江山
源源不絕以致石門鳳林新塘邊等處均有賊
蹤皖省黟縣探聞被擾督臣曾國藩恐皖浙逆
匪勾結由德興樂平內犯景德鎮以斷糧路已
派老湘營扼守德興之白水關惟查鳳林距廣

豐僅七十里新塘邊距玉山僅五十里逆蹤愈
徧愈近軍情緊急萬分左宗棠一軍現紮常山
水南地方或足屏蔽玉山而廣豐尤爲喫重亟
宜添兵協助臣已飭調駐防撫郡之王沐一軍
馳赴廣豐歸道員段起調度扼要嚴防現據駐
防廣豐遊擊劉勝祥探稟三月初五日閩兵數
千由峽出隊該逆自石門率衆抵拒遇於鳳林

鏖戰三時官軍敗績又據逃出難民供稱江山
股匪十餘萬係僞侍王李侍賢僞主將譚姓呂
姓統帶勢甚猖獗現在江邑城外搶擄各鄉盡
遭蹂躪其意不在攻取江山實欲窺伺廣信河
口以絕大軍糧路等情臣查賊情詭詐聲東擊
西是其慣技峽口爲江閩要隘如果閩兵營壘
被陷無論直趨廣玉東路喫緊卽竄入閩境江

西連界處所亦屬可虞江省兵力無多祇能堅
守城池斷難杜其旁出現飭廣信撫建各防軍
一體遠探嚴防並函商曾國藩將會國基下攻
巢含之師移緩就急以固左軍後路而衛餉源
同日毛鴻賓奏言據新授江蘇按察使陳士杰
稟稱親母尹氏現年七十六歲衰年多病形影
相依有萬難遠離之勢現恐士杰遠行暗自傷

泣以致病益增劇士杰若勉強出門則兩地心
懸方寸易亂轉恐貽誤大局仰懇查覈轉奏

賞准在籍養親所有江蘇按察使員缺請

旨另行簡放以重職守等情謹據實奏

聞均奏入

上命議政王軍機大臣傳諭曾國藩李鴻章薛煥曰
本日已令李鴻章署理江蘇巡撫薛煥專辦通商

事務上海爲餉源重地稽查稅務聯絡洋人在在均關緊要薛煥旣無須兼顧地方其通商事宜自可專心辦理惟逆黨黃畹爲賊畫策於軍務殊有關繫業經薛煥飭令吳煦告知英法領事破其奸謀仍著薛煥會商曾國藩李鴻章妥爲辦理至該逆所稱派撥黨與赴洋涇濱潛任並勾結游民作爲內應計殊兇狡並著李鴻章薛煥嚴密防範黃

晚是否現匿上海或竄赴他處著曾國藩等迅速
查拏毋任漏網嗣後遇有洋人關涉軍務事件薛
煥仍當會同妥爲籌畫不得稍涉推諉松滬兵勇
衆多而紀律不明於剿匪未能得力李鴻章旣已
到滬卽著將各兵勇詳加簡閱汰去老弱挑選精
銳遴派得力將弁管帶以資防剿上海洋槍隊頗
資得力該署撫不妨多爲教演鎮江一城爲大江

南北關鍵地屬緊要前據曾國藩奏稱該處係進
兵形勝之區擬令該署撫帶兵前往駐紮爲規復
各城之計現在揚防萬分喫緊都興阿之軍不敷
分布如該署撫能紮鎮城則大江南北均資聯絡
該署撫旣膺疆寄蘇省之地均所管轄如將上海
事宜布置稍定可以分身赴鎮其赴滬各營應留
上海若干之處均著酌量辦理廣東釐金現派晏

端書督辦並諭令由海道前往以期迅速卽著會
國藩遴委賢員隨同赴粵辦理其有設立私卡或
州縣暗中阻撓准由該大臣隨時叅辦所得釐金
卽照議分解浙江江蘇安徽等處軍營鎮江揚州
兩臺並抵解廣東省應解紅單艇船經費至晏端
書於抽辦釐金能否熟諳並著會國藩詳加察看
倘或不能勝任卽著據實奏聞毋稍遷就總兵蕭

孚泗陳由立均准其留於曾國荃等軍營以資得力再據沈葆楨奏逆賊李侍賢等統率股匪千餘萬欲由江山窺伺廣信河口已函商曾國藩將曾國荃下攻巢含之師移緩就急以固左軍後路等語左宗棠現駐常山設餉路爲賊所斷關繫匪輕曾國荃一軍能否移緩就急爲左宗棠後路接應抑應另派官軍前往卽著曾國藩酌量調派再據

毛鴻賓奏臬司陳士杰懇請在籍養親已明降諭
旨准其開缺江蘇按察使以劉郇膏署理矣劉郇
膏深得民心疊經中外保奏並著曾國藩李鴻章
察看如該員於軍務可期得力則李鴻章往鎮江
後所有上海軍務即可責成該員接辦儻該員不
能駕馭楚軍卽著該署撫另簡得力之員管帶並
將上海附近失陷各城會同洋人相機進兵節節

攻復以顧餉源並爲將來夾攻之計至曾國藩前
飭陳士杰募勇四千名赴皖現陳士杰旣經告養
所有勇丁應否另行派員前赴湖南招募並著曾
國藩酌辦

上又命議政王軍機大臣傳諭晏端書曰浙江等省
軍務喫緊餉糈不繼晏端書著卽迅由海道前往
廣東督同曾國藩派出委員將該省抽釐事務妥

爲經理以備派撥該京卿到粵後駐紮韶關距江
省較近一切因創事宜均著會商會國藩辦理其
江北腹裏各州縣團練事務卽照晏端書前請歸
併吳棠督辦

上諭內閣曰曾國藩奏請派大員督辦廣東釐金著
派都察院左副都御史晏端書馳驛前赴廣東駐
紮韶關督辦廣東通省釐金接濟浙江等省軍餉

上又諭內閣曰各國將士及華爾常勝軍會同官軍堵剿逆匪屢著戰功此次會攻賊營復首先衝入受傷力戰尤屬異常出力著李鴻章薛煥傳旨嘉獎其英國提督何伯身先士卒致受槍傷著該撫等與各國將士一併妥爲存問

薛煥又奏言臣自聞浙江省城失守卽經專弁赴浙查探城中文武各官下落均因不得入城

未有確信本年正月後杭城被難士民陸續逃
出到滬皆云逆匪入城兵勇潰散僞忠王李逆
改撫署爲招賢館大小文武官員皆准投入或
授以僞職相待甚優或給與護照聽其自便藩
司林福祥已降賊爲僞官織造恆起署杭嘉湖
道劉齊昂已革總兵米興朝均在招賢館中又
聞賊至海甯州防軍紛紛從賊副將張威邦亦

在賊中等情旋於正月二十八日林福祥攜帶家屬同恆起劉齊昂均到上海據林福祥云杭城未破之前奉有王有齡印札及帛書奏稿令其設法出城招集潰勇力圖恢復及城破後率衆巷戰與恆起相遇遂同入駐防城隨同將軍力戰滿城又破血戰衝山暫駐杭州城外由桐鄉縣屠田市鎮嘉善縣西塘鎮取道至上海與

恆起劉齊昂一路同來等語臣思杭州至屠田
市鎮由該鎮至西塘沿途均有賊卡林福祥等
何能行走無阻情殊可疑不得不密爲訪察當
經飭據道員吳煦查得該司等乘坐船隻到滬
傳訊船戶陳阿二據供係在西塘被賊封捉裝
載恆起與林福祥等一同來滬親見林福祥兩
次至僞將軍徐姓賊營赴席林福祥等在西塘

薙髮而行聞徐逆送給銀二百兩等語旋有參將郭太平等解送臨陣投出之被擄杭州駐防旗兵三名臣親加訊詰據供杭城失守官軍或降或逃並無帶兵大員與賊巷戰亦無一人投入旗營等語又有浙江候補主簿裘雲章自賊中逃出據稱破城之前數日王有齡給與林福祥印札令其臨急出城收集潰兵及城破後林

福祥被賊攔阻卽時降賊李秀城相待甚好令
與僞主將鄧光明同居藩署又將織造恆起父
子署杭嘉湖道劉齊昂招至一處並給總兵米
興朝銀數十兩卽行放出鄧逆並令恆起辦理
關稅李逆回蘇後正月中旬寄信至杭並有護
照令林福祥送王有齡等靈柩出城林福祥懇
鄧逆准將恆起劉齊昂帶出於十五日自杭起

程鄧逆設席餞行並致送盤費令其子帶賊兵
二百人護送至嘉善縣西塘雇船到滬等語是
林福祥與恆起所供似有異詞違實皆應查究
但林福祥劉齊昂係鄰省司道恆起又係

欽派大員未經奉有

諭旨不便遽行傳問謹將訪查各情據實密陳如奉
旨飭將該三員解赴曾國藩行營查辦臣當欽遵辦

理再已革總兵米興朝副將張威邦均先後到
滬亦應併交會國藩分別查辦奏入

上命議政王軍機大臣傳諭李鴻章薛煥曰林福祥
等先後均已到滬左宗棠遠在衢州若解往查辦
轉多周折本日已有旨令李鴻章署理江蘇巡撫
卽著李鴻章薛煥將林福祥恆起劉齊昂米興朝
張威邦五員拏問嚴行審訊如果通賊屬實卽一

面奏明一面正法不准稍涉瞻徇致有他變前諭
薛煥查辦各件均著移交李鴻章次第查辦

同日都興阿奏言三月十七日逆匪由法海寺
至虹橋七里甸等處排列陣勢隊後添築土壘
自揚城西南直繞至正北觀音山一帶均有賊
隊惟東北一路無賊臣因該逆狡詐異常此路
必有重伏遂親帶海全率領馬隊由城西北角

出賊不意突出卡門直趨虹橋一帶賊隊營總
富陞等分路策應往來衝殺將該逆悍隊衝亂
正追殺開北山伏賊萬餘前來接應我軍兵力
甚單當卽收隊計斃賊三四百名海全左膀瘁
中槍子因傷身故查該副都統自黑龍江布特
罕地方調赴江北大營十年之間屢著戰功此
次出隊奮不顧身實與陣歿無異應奏懇

天恩將題奏都統京口副都統海全免其前叅處分
照都統陣亡例

飭部從優議卹

都興阿又奏言 臣 欽奉

諭旨飭令派兵策應浦六查浦六等縣係江北切要
地方極應力籌兼顧無如揚防地廣兵單江浦
六合相離均在百里之外兵力不能聯絡現在

逆匪自三汊河池南蔓延數十里至揚城正北
之司徒廟觀音山等處實有十六七萬之衆尙
有續渡之賊我兵自瓜州至揚城僅紮營十三
座兵勇五千九百餘名守城兵勇不足二千城
西一營兵勇二百三十名城北六營兵勇二千
七百名又北至邵伯四十里共九營兵勇三千
九百餘名臣所紮五臺山備戰兵勇連馬隊一

千四百餘名又聞江陰逆匪聚集數萬意欲渡江現派副將刁經明督帶兵勇馳赴東路防範刻下情形江北兵力不但不能援應浦六卽將來進規江南亦須妥籌留守方能保護完善

都興阿又奏言據袁甲三來咨轉據李世忠咨開皖營糧食軍火均已告罄岌岌可危賊勢浩大漫山徧野一望無際江浦浦口兩城及橋林

烏江小店等處糧食軍火一無所有實有朝不保暮之勢當勉力再守十日如無兵來換防又無糧餉軍火軍士何以固守惟有將各處防軍盡行撤回仍歸揚防派守否則斷難守禦查刻下揚防情形該逆若日久不得逞志必將攻圍江浦天六揚防勢應往援彼時完善必難保衛若遲誤援剿又恐別生事端關繫大局甚重惟

有仰懇

聖恩另簡大員迅速來揚接辦以保完善之區奏入
上命議政王軍機大臣傳諭袁甲三都興阿吳棠曰
裏下河爲財賦所出一有挫失則千里完善均形
震動自應計出萬全該將軍久歷戎行老成持重
際此勢處萬難正應公忠體國力濟時艱何得遽
請簡員接辦致敬慎之忱轉同於推諉都興阿務

當悉心籌畫督飭在防將弁力保完善以期不負
委任至江浦等處軍食缺乏李世忠所派防兵朝
不保暮亦係實在情形著袁甲三吳棠竭力籌措
迅撥糧餉軍火派委委員解赴江浦等處以資接
濟毋稍延緩致誤事機李世忠以專閫大員受國
厚恩籌辦防是其專責揚防正在喫緊未能撥
兵浦六李世忠自當力任其難以期和衷共濟何

得以勉力祇守十日等詞置大局於不顧著袁甲
三督率李世忠將江浦等處認真防守毋得稍有
疏虞

上諭內閣曰已革都統銜京口副都統海全前因帶
兵觀望降旨革職茲因力戰追賊猝中槍子因傷
身故實堪憫惜海全著開復原官照都統陣亡例

從優議卹

探實力巡防並咨商瑛傑妥籌堵禦以遏竄擾
奏入報

聞

二十八日庚戌都興阿奏言逆匪蔓延甘泉山一

帶並在邵伯對岸焚掠意在渡湖闌入高寶各
州縣窺伺揚防後路江南逆匪現又陸續渡江
圖擾淮揚裏下河一帶沿江水師極爲喫重江

陰一帶聚匪不少師船分防數百里實形單薄
本月初三及初七等日賊竄小河等口經總兵
周希濂等擊退初八日江陰聚逆萬餘竄至何
莊又經周希濂分飭員弁潛赴小河口兩岸埋
伏俟該逆竄近伏軍同時並發出賊不意砍殺
多名參將張潮於初八九兩日在魏村口堵剿
斃賊甚多燒燬逆船三隻將新築賊營土壘踏

毀查此次下游水師剿賊疊勝然港汊繁多師
船過少昨經黃彬飭調遊擊馮曜祖督帶紅單
大船馳赴下游會同助剿又派參將林宜華等
所部師船聯檣駛往江靖一帶扼堵並派參將
魏麟彪督帶長龍藏船往來策應防堵尙爲周
密奏入

上命議政王軍機大臣傳諭都興阿曰該逆屯集江

岸意圖渡江竄擾淮揚裏下河一帶雖經下游各
水師疊加勦蕩惟沿江上下港汊繁多師船單薄
分防數百里誠恐不敷調撥都興阿惟應就現有
兵力督飭黃彬等嚴密防勦以靜待動不可稍有
疏虞李鴻章已到滬已令其署理江蘇巡撫將上
海事宜布置稍定帶兵前往鎮江駐紮爲規復各
城之計都興阿之軍現在不敷分布俟李鴻章到

鎮後兵力較厚南北聯絡即可會合籌商進圖剿辦

二十九日辛亥袁甲三奏言江浦浦口橋林烏江

小店各城營均被圍困賊壘林立臣密飭李世忠示以鎮靜謀定後戰派總兵蔣立功等帶隊往援三月十五日蔣立功由橋林進剿乘夜夾擊該逆出隊迎拒我軍馬步左右包抄殲其執

旗賊目賊卽敗潰當將該處賊營八座一併踏
毀會合橋林兵勇追至烏江十七日進攻小店
賊壘復平毀賊營八座乘勢追殺直至江浦城
外總兵李顯爵帶隊出城接應破其三營該逆
大敗狂奔隨將江浦城外賊營一律踏毀浦口
城外踞賊現亦一併逃竄我軍儘力追殺斃賊
一千餘人生擒二百餘名其滑子口一股相距

六合不遠阻塞浦六要路因我軍連日獲勝夜
半棄營而遁現探敗逆分爲兩股一赴和州一
至江浦二十里外江邊屯紮沿江各城營均已
一律解圍臣查此次粵逆渡江分股竄突爲數
甚衆各處城營均被圍困其勢岌岌可危幸各
軍用命大挫兇鋒現據李世忠稟稱前次賊衆
計詭糧餉軍火俱缺勦辦實無把握是以有力

難再支之語然已成之功何肯輕棄一己聲名
尤所愛惜等語現在賊已擊退人心大定李世
忠力任守禦但得糧餉軍火江北糧臺隨時籌
給防勦自有把握可以仰紓

宸廑其竄至揚境一股前撲郡城經揚營官兵截擊
大獲勝仗賊已退竄臣現囑李世忠速將江浦
浦口等處布置嚴密卽馳赴六合察看如揚境

尙有餘匪迅卽帶隊截擊並咨會吳棠轉飭江北糧臺籌畫糧餉軍火隨時接濟

袁甲三又奏言據張得勝等稟稱三月十三日
在東南鄉小路口盤獲薙髮改裝賊匪一名搜
出白絹密函內有陳玉城致偽護王陳坤書之
信情急求援頗爲詳細該鎮等已將原信就近
呈送多隆阿傳諭各營嚴加防備臣查狗逆陳

玉城盼援不至窮蹙之勢情見乎詞信內所指
援賊來路柘皋炯煬河石塘橋店埠梁園均係
東北路要隘前經臣先後克復業已分別布置
現揣該逆遠道來援既不能裹糧而行又未便
入城坐耗必須附近取糧以備城外攻撲之用
臣已飭主事黃先瑜周歷察看將民間糧食盡
數運儲圩內免齎盜糧刻下僞護王陳坤書已

爲李世忠擊敗並據探報曾國荃前隊已至巢
縣河南岸八里大寺巷地方紮營進剿獲勝如
援賊由和舍而來旣恐攻巢之軍攔截其前又
恐滁州兵勇尾追其後未必遽敢來犯卽使果
有其事衆軍已有準備深溝高壘該逆野無所
掠亦無從逞其狡獪惟狗逆因獸之鬪在所難
免北路兵力較單紮營要衝必須實力防範已

逆就擒以期永除後患至江浦等處敗匪分股竄
往和州恐其乘閒由和合援廬不可不豫爲準備
曾國荃前隊據袁三甲探聞已至巢縣著曾國藩
密飭攻巢之軍隨時防範堵截毋令該匪竄越則
攻取廬郡更易得手

同日耆齡奏言臣接奉

諭旨赴閩辦理援浙軍務查浙江全局糜爛福建江

西兩省偏近逆氛防勦緊要聞閩浙督臣慶端

所統兵勇現駐建甯者雖有萬餘人勁旅不過數千應由粵酌帶得力練勇隨同前往以資調遣前次派防韶郡之飛虎勇石字營堪以抽調又派援高州之何勇等營尙在肇慶一帶調援高州之參將卓興所帶潮勇六千名業已到省臣與督臣勞崇光商定催令卓興所部迅赴高

州勦辦札調何勇等營一併赴閩各該營練勇均屬精壯勇敢管帶各員亦知紀律臣現飭各添募千餘名共成五千餘名以壯聲勢一俟軍裝口糧齊備卽行次第拔營前進惟由粵赴閩取道惠潮汀泉等府雖係驛路而山徑崎嶇溪河淺窄茲擬改由韶州入江西大庾縣境出鉛山縣自崇安直達建甯惟軍行以糧餉爲先現

帶練勇五千餘名所需行糧已屬不少福建庫款支絀建甯兵勇待餉甚殷臣一經接統各軍日糧刻不容緩亟應設法另籌查詔州府東西關河西尾三廠抽收釐金及白土江口二廠抽收鹽釐專爲北江軍需而設今北江軍務告竣留防兵勇甚少月餉無多由省支給力所能辦詔河五廠釐捐即可撥充閩餉又省城爲貿易

繁盛之區尙未舉行抽釐業經臣札委鹽運使
王增謙等會集紳商妥定章程設局抽收與韶
州釐捐按月儘數解閩濟用王增謙等卽爲臣
軍營後路糧臺應請

旨飭下督臣勞崇光嚴飭該司道務將省城釐金妥
爲趕辦以裕餉源奏入

上命議政王軍機大臣傳諭會國藩晏端書勞崇光

者齡曰廣勇雖能打仗其性情驕恣最易滋事前
江蘇省城潮勇勾合髮逆屢肆荼毒該省始有捕
殺潮勇之案前車可鑒現在慶端業經進紮浦城
其添募臺灣等處之勇亦經該督嚴催不日即可
成軍者齡抵閩後祇須汰其老弱加以簡練自可
壁壘一新正不必多帶客兵致滯師行也所有該
撫此次酌帶勇丁務宜遴選精壯嚴明約束總使

帶一人有一人之益不致貽有後患方爲妥善至
抽收釐金用佐軍餉昨因曾國藩奏請派大員督
辦廣東釐金協濟江浙軍餉已明降諭旨令晏端
書馳赴廣東督同曾國藩派出委員將該省抽釐
事務妥爲經理江浙軍務緊急不能不爲此通盤
籌畫之計此次該撫遵旨赴閩亦專爲援浙起見
所請抽釐濟餉之處自應准其試辦惟同一江浙

軍餉同一廣東釐捐而耆齡辦之於始晏端書籌之於後一事兩歧恐有事權不一之患著晏端書恪遵前旨迅由海道馳赴廣東與勞崇光將一切釐金事宜妥商籌辦其江浙皖省之餉與耆齡援浙所需應如何分別籌解及歸併報銷之處並著與曾國藩耆齡函商妥議具奏